

2008 Wasserratta

Vierzig Johr - git's d'Wasserratta.
Menga Vers - isch gsi, a glatta.
Ds Trullalla - hend alli kennt.
Wer's nit weiss - hät eifach pennt.
T r u l l a ,
Trotz graua Hohr - und digga Büch,
zum schnitzla simmer - no lang nit ds schüch !

Im Knascht do sitzt - ganz ohni Höösli,
A truurigs Girl - mit nassem Möösli.
D'Erlüchtig heg'si - jetza kha,
khei Orgia meh - und Höösli a.
T r u l l a ,
Dia lischicht hät - dr Haas nit kha,
Drumm nimmt er jetzt - dia Schwula dra !

CEDES baut jetzt - in Sargans,
D'Regierig bisst sich - in da Schwanz.
A paar Milliönli - meh in d'Hand,
denn wär dä Bau - im Bündnerland!
T r u l l a ,
Füüfhundert Stella - hend's versenkt
und no am Mathis - d'Stüüra g'schenkt !

Schwarzi Schof - seit d'SVP.
Bi üs hät's viel - bi andara meh !
Ussa spärza - koscht a huufa.
D'Kassa kämmti - d'stark ins schnuufa.
T r u l l a ,
Billiger wär's - hän's fascht vergässa.
Gemmer dia - am Bär zum Frässa !

Leise rieselt der Schnee,
am Rossboda gfrührt scho dr See.
D'Pflüag mögend bald nümma no.
As isch so wiit - d'Hingis söll kho !

Neuji Energie - sind's am suacha.
Atom und Oel - do tuat ma fluacha.
Au d'Russa sägand - ds Gas wird knapp
und d's Klima machi - au bald schlapp.
T r u l l a ,
Im Export händ miar - gar kei Müha,
mi'm Biogas - vu üs'na Khüa !

I bin dr Kreisel Seppali.
Im ganza Khur bekannt.
Ma gseht's au uf am Föttali.
Im Kreisel goht's rasant.
Begegningszona - händ miar gmacht.
Drum gänd doch - uf eu Acht:
Verkehr im Kreis - das isch nit dumm !
Meint au dr FC Thun .

Döt dena am Bergli, döt stoht a "Bruni" Geiss.
I han'si wella melcha, do macht si mi heiss !
Si gwacklat mit am Füttla, do rünnt miar dr Schweiss.
D'Hormon trülland duura, as dreht mi im Kreis !
und tüüf in da Hosa,- wird's hart wie na Gneis.
Ma kriagt halt a Jedi, wenn ma S a r k o z y heisst !

Super-Nänny - Fernsehkoch,
Frauatuusch - as passt uf ds Loch.
Lensen und Partner - wüekli wiff,
d'Richter Salesch - hät all's im Griff.
T r u l l a ,
Zu üsrem Glück - miar singens vor,
gsiehsch nüt meh - vum Chris von Rohr !

As Biar, - a Schnaps - a Fläscha Wii,
As darf au no - a Whisky sii,
kasch suffa bis dr - aafoot stingga.
Dia kasch dr halt - nit schöner tringga !
Ei du schöni , - Ei du schöni
Ei du schöni " E v e l i n "

Keine Daten vorhanden!